



Prop. 74 S

(2013–2014)

Proposisjon til Stortinget (forslag til stortingsvedtak)

Pensjonar frå statskassa

*Tilråding frå Arbeids- og sosialdepartementet 11. april 2014,
godkjend i statsråd same dagen.
(Regjeringa Solberg)*

1 Innleiing

I samsvar med Grunnlova § 75 bokstav i, legg departementet med dette fram for Stortinget ei liste over dei pensjonane som gjeld mellombels, og som ikkje blei reviderte av det førre Stortinget. Heile summen av pensjonar som blei utbetalte i 2013, var på kr 14.245.453.¹ I statsbudsjettet for 2014 er det løyvt kr 18.500.000 på kapittel 611 Pensjonar av statskassen.

2 Omtale av ordninga

Pensjon frå statskassa er ikkje ei pensjonsordning i vanleg forstand med krav til oppteningstid gjennom medlemskap. Det er ei særordning som gir Stortinget høve til, ut frå ei vurdering av om det er rimeleg, å gi ei pensjonsytning til personar som ikkje har kunna tene opp pensjonsrettar på vanleg måte. Pensjonen byggjer ikkje på rettskrav, lov eller forskrift, og blir gjerne omtala som gåvepensjon («billighetspensjon»).

Proposisjonen no gjeld lokalt tilsette ved norske utanriksstasjonar og ein tilsett i velferdstene-sta som Sjøfartsdirektoratet driv i utlandet. Dei er i hovudsak sjølv borgarar i landet der dei arbeider. Nokre av dei lokalt tilsette er norske borgarar, og nokre av desse har òg vanleg tenestetid i Statens

pensjonskasse frå 1. januar 1996 gjennom å ha medlemskap i norsk folketrygd. For tida før 1. januar 1996 blir pensjon av statskassa gitt som tillegg til den vanlege pensjonsgjevande tenestetida. I vedlegget blir denne tida omtala som tilleggstid.

Lokalt tilsette ved norske utanriksstasjonar skal som ein hovudregel sikrast gjennom lokale trygde- og forsikringsordningar. Dette er òg tatt inn i utanriksinstruksen: «*lønns- og arbeidsbetingelser skal nedfelles i en arbeidskontrakt som skal være i samsvar med tjenestelandets lover og regler. Lokalt ansatte skal sikres gjennom adekvate lokale trygde- og forsikringsordninger.*»

Utanriksstasjonane skal sjølv syte for at dei lokalt tilsette blir innlema i lokale trygde- og forsikringsordningar, og dei aller fleste er i dag omfatta av slike lokale ordningar. Unnataksvis kan det likevel hende at det ikkje finst lokale ordningar, eller at dei aktuelle ordningane ikkje sikrar dei tilsette tilstrekkeleg. I ein slik situasjon kan utanriksstasjonen søkje om pensjon frå statskassa. Sjølv om pensjonsrettane til dei lokalt tilsette er tatt inn i arbeidskontrakten etter utanriksinstruksjonen, kan tilhøve i tenestelandet, til dømes politisk uro, høg inflasjon og stor uvisse med omsyn til bank- og forsikringsordningar, føre til at vedkommande ikkje får den ytinga han eller ho har opparbeidd seg rett til ved alderdom, uførleik eller tap av forsørgjar.

Utanriksdepartementet har i seinare tid lagt stor vekt på å syte for at stasjonane følgjer opp

¹ Det er ikkje funne grunnlag for å endre anslag for samla utgiftene i 2012, jf. omtale av dette i Prop. 151 S (2012–2013)

instruksen så langt råd er, og sikre at dei lokalt tilsette ved utanriksstasjonane er med i lokale ordningar. Dette blir gjort gjennom kurs og opplæring av ansvarlege medarbeidarar, og ved pålegg til alle stasjonane om å følgje opp. Samstundes blir det gjort klart at pensjon frå statskassa berre blir gitt i særskilde høve der lokale ordningar ikkje finst eller ikkje sikrar dei tilsette godt nok. Utanriksdepartementet arbeider vidare med ei breiare kartlegging av arbeidsvilkåra til lokalt tilsette, inkludert pensjonsordningar.

Ytingar frå lokale pensjonsordningar skal kome til frådrag i pensjonen frå statskassa. Lokale ytingar som blir utbetala månadleg, blir i hovudsak samordna som pensjonar frå norsk offentleg

tenestepensjonsordning. I staden for månadlege utbetalingar er det i nokre land vanleg at pensjonen blir betalt ut som eit eingongsbeløp på pensjoningstidspunktet. Slike ytingar kjem til frådrag i pensjonen ved at tidspunktet for utbetaling av pensjon frå statskassa blir utsett.

Arbeids- og sosialdepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om pensjonar frå statskassa.

Vi HARALD, Noregs Konge,

s t a d f e s t e r :

Stortinget blir bedt om å gjere vedtak om pensjonar frå statskassa i samsvar med eit vedlagt forslag.

Forslag til vedtak om pensjonar frå statskassa

I

Opplysningar om søkjaren				Pensjon			
Nr.	Namn	Alder ved avskjeden (for etterlatne, noverande alder)	Tenestestad	Vedteke	Pr. mnd	Gitt frå	Merknad
<i>Utanriksdepartementet</i>							
1	Cecilie Klaumann	68	San Francisco	23.4.2013	SPK	1.5.2013	Tilleggstid
2	Anne-Grete Usnarsky	68	Berlin	23.5.2013	SPK	1.6.2013	Tilleggstid
3	Lina Khury	55	Damaskus	24.5.2013	3740	1.8.2017	
4	Mehreteab Habtemariam Kahsay	57	Asmara	29.5.2013	956	1.12.2014	
5	Tumezghi Tesfamariam Meherteab	58	Asmara	29.5.2013	606	1.8.2014	
6	Wenche Linneboe	67	Ottawa	17.7.2013	SPK	1.6.2013	Tilleggstid
7	Babu Lal Nagar	58	New Delhi	8.8.2013	927	1.5.2014	
8	Arup Kumar Biswas	57	Dhaka	16.8.2013	3029	1.2.2015	
9	Culcumo Taju	57	Maputo	19.8.2013	6195	1.3.2014	
10	Inger Dybdal	60	Addis Abeba	26.9.2013	SPK	1.5.2013	Tilleggstid
11	Berit Peruzzi	67	London	13.12.2013	SPK	1.1.2014	Tilleggstid
12	Karmiyati Karmiyati	55	Jakarta	21.3.2014	427	1.2.2014	
<i>Nærings- og fiskeridepartementet</i>							
13	Salah Elagha	74	Port Said	30.1.2014	1234	1.1.2014	

